

Aēris mutationem prænoscere,
Canon. XXII.



D prænoscendam aēris mutationem Ptolomeus artis huius monarcha ad minutum coniunctionis luminarium figuram cœlestem erigere iubet, & iuxta naturam dominatoris, aēris etiam qualitas, & dispositio prænoscitur. Potissimum autem si dominator ipse hora interlunij cardinem obtinuerit. Neoterici deinde non modo ad coniunctionis minutum, sed & circa quadraturæ cuiuscq; atq; oppositionis minutias id fieri præcipiunt. Ad hæc Luna (elementariæ regioni uiciniſſima atq; contigua) haud parum cooperatur. Fit enim non raro, ut pro qualitate signi & mansionis, quā peragrat, proq; natura aspectuum, quos cum Sole & planetis habet, aura ipsa disponatur. Adde aspectus planetarum inter se, & ad Solem, qui ad sensum aēris alterationem induunt, quemadmodum ex subsequenti tabula cernere dabitur. Apertioribus etiam portarum nonulli scriptores magnam in ea re uim tribuerunt. Quantum uero authoritatis, Ortus, Occasusq; ac cœli mediationes stellarum fixarum hoc loco te- neant, ex Aristotele, Columella, Plinio, & cœteris plerisq; uiris undecunq; doctissi- mis, clarum est. Præterea regressiones, stationes, habitudinesq; planetarum ad au- ges, oppositaq; augium in eccentricis suis & cœtera, secundum Alkindi, & quorun- dam aliorum recentiorem traditionem obseruare & animaduertere conueniet. Ut autem ea, quæ iam scripta sunt lucida faciliacq; fiant, sciendum est, dominatorem figuræ ad minutum coniunctionis, oppositionis aut quadraturæ luminarium con- stitutæ siue erectæ, eum esse, qui in loco Lunæ & ascendentे, uel, ut alij aiunt, in an- gulo digniori Lunam ipsam præcedente uel sequente plures ac maiores fortitudi- nes sibi uendicauerit. Apertio portarum (ut Alkabitius inquit) dicitur, quando in- ferior iungitur superiori, & cum hoc domus eorum fuerint oppositæ. De aper- tione autem magnarum ualuarum Ioannis Hispalensis in hæc uerba scribit: Quan- do Luna separatur à coniunctione alicuius planetæ, uel ab eius aspectu, & coniun- gitur alteri planetæ, & sunt illorum planetarum domus oppositæ, hoc est apertio magnarum ualuarum, in qua contingit uenire uentos & pluuias, ut est ex natura il- lorum planetarum. Et hæc portarū, magnarumq; ualuarum apertiones, per subscri- ptam tabellam plane omnes exponuntur. Porro stellarum fixarum insigniorum no- mina, uera loca, magnitudines, naturæq; ex tabella propria præmissa patebunt. In- de etiam ortus & occasus, cœliq; mediationes earundem ad poli altitudinem $49\frac{1}{2}$ graduum sese offerunt. Qui autem ad aliam poli altitudinem eadem desiderauerit, consulet problema 57. tabularum primi mobilis, uel 13. tabularum directionum do- cissimi Ioannis de Monte regio.

C Tabula